

金石續編

金石續編卷第二十一 外國

武進陸燿燾纂
太倉陸增祥校訂

高麗

劉仁願紀功碑

正書在朝鮮國
忠清道扶餘縣

口龍御天必藉風雲之力聖人膺運亦待將帥之功方
石口口於口口口東馳聲於強其能繼口口口詠者惟
有劉將軍乎君名仁願字士元雕陰大城人也十土開
家口口建旗於東國小茅錫壤王孫杖節於北疆三楚
盛其衣襟六郡稱其軒冕小枝布葉可略而言高祖口
口口常侍口口遠將軍徐州大中正彭城穆公屬魏室

尔朱陵虐東京□喪□□西還陪奉參輿從居闕內尋
除鎮北大將軍持節都督河北諸軍事綏州刺史因官
食□仍□居□□鼓□□□□北州之望曾祖平鎮
北大將軍朔方郡守綏州刺史上開府儀同三司襲爵
彭城郡開國公祖懿周驃騎大將軍儀同三司使持節
綏州諸軍事綏州總管□州刺史彭城郡開國公父大
俱 皇朝使持節同綏二州總管兼四州諸軍事綏
州刺史尋遷都督左武衛將軍右驍衛大將軍勝夏二
州道行軍總管冠軍大將軍領軍大將軍上柱國別封
□城郡開國公並桂馥蘭芬金貞玉朗名高大樹譽著
詞林珪璋閎閎見於斯矣公□□河□資靈嶽瀆牆宇

契峻孝敬日躋命偶昌期逢時遇主欽明啟運光宇普

天 文皇乃聖乃神乃文乃武并吞六合席卷八荒

博訪羣材用康大夏英髦特達幽顯必臻君以地蔭膏

腴門承勲業令聞之譽僉議攸歸起家為宏文館學士

□□□衛□□□□□□□□□□旅力□健膽氣過人嘗

從出遊手格猛獸□□□□□□□□□□太宗深歎異

之特加賞賜即降殊恩詔入仗內供奉貞觀十九年

太宗親馭六軍省方遼碣千乘雷動萬馬雲屯□□邇

□巢下高麗賊臣蓋蕪文獨生攜貳鳩聚亡命招納姦

回囚其君長舉兵稱亂□□□衆敢抗王師 皇赫

斯怒譴行天伐兵鋒初到若火□□其□東蓋牟□□

一城□□匡□新城安地等三郡虜其大將延壽惠
眞俘其甲卒一十六萬君身預戎旃日奉羈勒前茅後
殿每陣先登摧強陷堅同於拉朽戰勝功定□□□揮
□□□□賜物乘一匹銀□□□□□弓一張大箭
三百隻並是供奉御仗特加褒異遼東□還累□□勅
功加□□□□□□超拜上柱國□□□□領□
別□黎陽縣開國公擢授右武衛鳳鳴府左果毅都尉
壓領□□□□門長上廿一年任行軍子總管隨英國
公李勣經略延陀並迎接車鼻安撫九姓鐵勒行還改
授右□郎將依舊廿二年又任子總管向遼東經略□
事除名其年更授右武衛□□□□□通府果毅廿三

年 太宗宮車晏駕宗廟社稷不可一日無口

儲皇諒闇纂戎繼極缺周邦雖舊厥政惟新凡百庶官

勉修其職君以勇略見知材明被用未踰朞月又蒙

今上驅使永徽二年更入鐵勒撫慰行缺勅簡折衝

果毅宏明堪統領者隨機處分君受口口經略頻度遼東

葱山道行軍子經略隨盧國公程知節討口賀魯還從

幸洛陽顯慶元年遷左驍衛郎將二年應詔舉文武高

第升進三階復命鐵勒安撫四年入吐谷渾及吐祿宣

勞五年授岷夷道行軍子總隨邢國公蘓定方平破百

濟執其王扶餘義慈並太子隆及佐口口率以下七百

餘人自外首領古魯郡太秦武進扶餘口生受延爾普

羅等並見機而作立功歸順或入趨 口闕或外口口
口口口合境遺黎安堵如舊設官分職各有司存即以
君為都護兼知留鎮新羅王春秋亦遣少子口泰同域
固守雖夷夏有殊長幼懸隔君緩和接待恩若弟兄功
業克就蓋由於口然口周武平殷商奄紀叛漢定西域
疏勒被圍餘風未殄人懷草寇蠻貊之俗易動難安况
北方逋寇元來未附既見雕戈東邁錦纜西浮妖孽侏
張仍圖返逆即有偽僧道琛偽將率鬼室福信出自閭
巷為其魁首招集狂狡堡據任存烽屯狼起弥山滿谷
假名盜口並号將軍聚城破邑漸入口部湮井刊木壞
宅焚廬所過殘滅略無遺進凶威既遏人皆脅徙布棚

連營攻圍留鎮雲梯俯瞰□□旁通擊石飛□星奔雨
落晝夜連戰朝夕□□□□□□□□□□然高枕
不與爭鋒堅甲利兵□□□□□□□□其弊賊等曠日
持久力竭氣衰乃陰行間謀際其□卒墮捐_{下缺}

年月缺攷唐書東夷傳當在龍朔麟德之間

吳縣潘氏攷為龍朔元年_{陸增祥志}

新羅國王金法敏碑

正書在朝鮮慶尚道慶州府善德王陵下

新羅文武王陵之碑

上缺後兵殊配天統物畫野經圻積德□□_佳時濟難應
神_缺靈命_缺派鯨津氏映三山之闕東拒開梧之境南

鄰□桂之□□接黃龍駕朱蒙缺承白武仰缺間盡善

其能名實兩濟德位兼隆地跨八貳勲超三□巍巍蕩

蕩不可得而稱者我新羅缺君靈源自質繼昌基於火

官之后峻構方隆由是克□□枝載生英異稔侯祭天

之胤傳七葉以缺焉 十五代祖星漢王降質圓穹

誕靈仙岳肇臨□□似對玉欄始蔭祥林如觀石紐坐

金輿而缺大王思術深長風姿英拔量同江海威若雷

霆□地□□□方卷跡停烽罷候萬里澄氣克勤開缺

簡□之德內平外成光大之風迺安遠肅□功盛□□

□於將來疊粹凝貞垂裕於後裔缺挹□舍謙乃聖括

之奇恩以撫人寬以御物□□□知其際承德者咸

識其鄰聲溢間河缺峯而疎幹契半千而誕命居得一

以□□照惟幾於丹府義符性興洞精鑒缺恬□輔質

情源湛々吞納□□襟□□□□□握話言成範容

止可觀學綜古缺之訓姬室拜橋梓之缺大唐太宗文

武聖皇帝應鴻杜缺宮車晏駕遏密在辰以缺舜海而

霑有截懸堯景以燭無垠缺著□□□而光九列掌天

府以缺感通天使息其青蘋安然利涉缺近違鄰好頻

行首鼠之謀外信缺熊津道行軍大總管以君王缺列

陣黃山蜩聚鷗張欲申距缺至賊都元惡泥首轅門佐

吏缺三年而已至龍朔元年缺所寶惟賢為善最樂悠

仁缺朝野懽娛縱以無為無缺貺更興泰伯之基德缺

之風北接挹婁蜂缺詔君王使持節缺軍落於天上旌

缺之謀出如反手巧缺丸山有紀功之將以缺直九合

一匡東征西缺宮前寢時年五十六缺牧哥其上狐兔

充其傷缺燒葬即以其月十日火缺妣天皇大帝缺王

禮也君王局量缺國之方勤恤於八政缺歸乃百代之

賢王寔千缺清微如士不假三言識駿缺而開治髮髯

濠梁延錦石以缺之賓聆嘉聲而霧集為是朝多缺即

入昇忘歸射熊莫返太子雞缺丹青洽於麟閣竹帛毀

於芸臺缺餘下拜之碣迺為銘曰

缺侍星精缺域千枝延照三山表色盛德遙傳缺道德

像棲梧缺允武允文多才多藝憂人吞蛭尊缺九伐親

命三軍

缺

威恩赫奕

茫々

且減車來充後

缺

欽風丹

甌屢出黃

鎮空

缺

雄赤鳥呈災黃熊表崇俄隨風燭

忽

缺

命衆真貴道賤身欽味釋

葬以積薪

缺

滅粉骨

鯨津嗣主允恭因心孝友罔

缺

鴻名與天長兮地久

唐開耀間立

顧氏之謙云韓訥儒書金□□撰文

陸增祥志

奉德寺鍾銘

二十四行行三十字
正書陽文在高麗

聖德大王銅鍾之銘

朝散大夫兼太子朝議郎翰林郎金弼奚奉

教撰

夫至道包含於形象之外視之不能見其原大音震動

於天地之間聽之不能聞其響是故憑開假說觀三真之與載懸舉神鐘悟一乘之圓音夫其鍾也稽之佛生則驗在於芻膩尋之常鄉則始制於鼓延空而能鳴其響不竭重為難轉其體不褻所以王者元功克銘其上羣生離苦亦在其中也伏惟

聖德大王德共山河而並峻名齊日月而高懸舉忠良而撫俗崇禮樂而觀風野務本農市無濫物時嫌金玉世尚文才不意子虛有心老誠四十餘年臨邦勤政一無干戈驚擾百姓□□四方鄰國萬里歸賓惟有欽風之望未曾飛矢之窺燕秦用人齊晉替霸豈可並輪雙轡而言矣雙樹之期難測千秋之夜易長宴駕已來於

今三十四年也頃者

孝嗣景德大王在世之日

繼守不業監撫庶機早隔

慈規對星霜而起戀

重違

嚴訓臨闕殿而增悲追遠之情轉悽益魂

之心更切敬捨銅一十二萬斤欲鑄大鍾一口立志未

成奄為就世今

我聖上行合

祖宗意符

至理殊祥異於千古今德冠於當時六御龍雲蔭洒於
玉階九天雷鼓震響於金闕草木之林離々乎外境非
煙之色煥々乎京師此則報茲誕生之日應其臨政之
時也仰惟大君恩若地平化黔黎於仁教心如天鏡獎
人子之孝誠是知朝於元舅之賢夕於忠臣之輔無言
不擇何行有慙乃願遺言遂成宿意尔其有司辦事工

匠畫模嵐次大淵月惟大呂是時日月借暉陰陽調氣
風和天靜神器化成狀如嶽立聲若龍吟上徹於有頂
之巔潛通於無底之下見之者稱奇聞之者受賜願茲
妙因奉翊

尊靈聽普聞之清響登無說之法筵
契三明之勝心居一乘之真境乃至瓊華之叢共金柯
以永茂邦家之業將鐵圍而弥昌有情無識慧海同波
咸出塵區並昇覺路臣弼奚文拙無才敢奉

聖

詔貸班超之筆隨陸佐之言述其
明旨銘記於鐘
也其詞曰

紫極懸象黃輿啓方山河鎮別區宇小張東海之上衆
仙所蔽地居桃堅界接扶桑爰有我國合為一鄉元元

聖德曠代弥新妙、清化遐迩克臻將恩被遠與物均
霑茂矣千葉安乎萬倫愁雲忽脫慧日無春恭、孝嗣
繼業於機治俗仍古移風豈違日思嚴訓常慕慈輝更
以修福天鐘為祈偉哉我后盛德不輕寶瑞頻出靈符
每生主賢天佐時泰國平追遠惟勤隨所願成乃願遺
命于斯寫鐘神人獎力珍器形容震威賜谷清韵朔峯
聞見俱信芳緣允鍾能保魔鬼救之魚龍圓空神體方
現聖蹤永是鴻福恒、轉重

大曆六年歲次辛酉十二月十四日鑄鐘

按大曆六年是辛亥辛酉是建中二年傳寫之

誤抑碑有誤耶

陸增祥志

寶林寺普照塔銘

正書在

高麗

新羅國武州迦智山寶林寺謚普照禪師靈塔碑銘

朝請郎守定邊府司馬賜緋魚袋金穎撰

聞夫禪境元寂正覺希夷難測難知如空如海故龍樹
師子之尊者喻芭蕉於西天宏忍惠能之祖師譚醍醐
於震旦蓋埽因果之跡離色相之鄉登大牛之車入罔
象之域是以智光遠照惠澤遐流灑法雨於昏衢布慈
雲於覺路見空者一息而越彼邪山有為則永劫而滯
於黑業矧乎末法之世像教紛紜罕契真空互持偏見
如擘水求月搓繩繫風徒有勞於六情豈可得其至理

其於衆生為舍卹舍卹為衆生衆生不知在舍卹法界之中縱橫造業舍卹亦不知衆生在苞含之內湛然常寂豈非迷耶如此迷者大不迷矣知其迷者惟我禪師乎或謂此說為濩落之言吁道經云上士聞道崇而奉之中士聞道若存若亡下士聞道撫掌而笑不笑不足以為道也此之謂矣禪師諱體澄宗姓金熊津人也家承令望門襲仁風是以慶自天鍾德從嶽降孝義旌表於鄉里禮樂冠蓋於軒裳者也禪師託體之年尊夫人夢日輪駕空乘光貫腹因之驚悟遂覺有懷及逾朞月不之誕生尊夫人追尋瑞夢誓禱良因膳徹服脩飲斷醪醴胎訓淨戒隲事福田由是克解分蓍之憂允叶美

璋之慶禪師貌雄嶽立氣潤河靈輪齒自然金髮特異
閭里聲歎親戚咸驚從襁褓之年宛有出塵之趣登船
甌之歲永懷捨俗之緣二親知其富貴難留財色莫繫
許其出家遊學策杖尋師投花山勸法師座下聽 為
業樞衣請益夙夜精勤觸目無遺歷耳必記常以 治
羸鄙藻練僧儀積仁順而煩惱蠲除習虛靜而神通妙
用超然出衆卓尔不羣後以大和丁未歲至加良峽山
普願寺受具戒一入壇場七宵行道俄有異雉忽尔馴
飛有稽古者曰昔向陳倉用顯霸王之道今來寶地將
興法主之徵者焉初道儀大師者受心印於西堂後歸
我國說其禪理時人雅尚經教與習觀存神之法未臻

其無為任運之宗以為虛誕不之崇重有若達摩不過
梁武也由是知時未集隱於山林付法於廉居禪師居
雪山億聖寺傳祖心闢師教我禪師往而事焉淨修一
心求出三界以命非命以軀非軀禪師察志氣非偶素
槩殊常付元珠授法印至開成二年丁巳與同學貞育
虛曾等路出滄波西入華夏叅善知識厯三五州知其
法界嗜欲共同性相無異乃曰祖師所說無以為加何
勞遠適止足意興五年春二月隨平盧使歸舊國化故
鄉於是檀越傾心釋教繼踵百川之朝黿壑羣領之宗
鷲山未足為喻也遂次武州黃壑蘭若時大中十三禩
龍集於析木之津憲安大王即位之後年也大王聆風

仰道勞於夢魂願闢禪扉請入京轂夏六月教遣長沙縣副守金彥卿賁茶藥迎之所以處雲巖之安兼屬結戒之月託淨名之病陳六祖之辭冬十月教又遣道俗使雲巖郡僧正連訓法師奉宸馮瑄等宣諭綸旨請移居迦智山寺遂飛金錫遷入山門其山則元表大德之舊居也表德以法力施於有政是以乾元二年特教植長生標柱至今存焉宣帝十四年仲春副守金彥卿風陳弟子之禮嘗為入室之賓減清俸出私財市鐵二千五百斤鑄盧舍那佛一軀以莊禪師所居梵宇教下望水里南等宅共出金一百六十分租二千斛助充喪飭功德寺隸宣教省咸通辛巳歲以十方施資廣其禪宇

慶畢功日禪師蒞焉虹之與蜺貫徹堂內分輝耀室渥
彩燭人此乃堅牢告祥娑迦表瑞也廣明元年三月九
日告諸依止曰吾今生報業盡就六兆成汝等當善護
持無至隳怠至孟夏中旬二日雷電一山自酉至戌十
三日子夜上方地震及天曉右脇卧終享齡七十有七
僧臘五十二於是弟子英惠清奘等八百餘人義深考
妣情感輿坤迨慕攀號聲動溪谷以其月十四日葬於
王山松臺壘塔安厝嗚呼禪師名留於此魂魄何之生
離五濁超十八空樂寂滅而不歸遺法林而永秀豈惟
濟生靈於沙畛實亦裨聖化於三韓禮云別子為祖康
成注云子若始來在此國者後世以為祖是以達摩為

唐第一祖我國則以儀大師為第一祖居禪師為第二祖我師為第三祖矣中和三年春三月十五日門人義車等纂集行狀遠詣王居請建碑銘用光佛道聖上慕真空之理閔嚴師之心教所司定謚曰普照塔号彰聖寺額寶林褒其禪宗禮也翌日又詔微臣修撰碑讚垂裕後人臣兢惶承命直筆為詞但以供奉宸衷敢避文林嗤哂詞曰

禪心不定兮至理歸空如活琉璃兮在有無中神莫通照兮鬼其敢衝守無不足兮施之無窮劫盡恒沙兮妙用靡終一其寮廓舍邨苞育萬物蠢蠢衆生違舍耶律二既用體復誰是佛迷之又迷道乃斯畢二其大哉禪師生

平海域克鍊菩提精修惠德觀空離空見色非色強稱
為印難名所得其有為世界無數因緣境求神動風起
波翻須調意馬勒伏心猿以斯為寶施於後賢其乘波
若舟涉愛河水彼岸既登惟佛是擬牛車已到火宅任
燬法相雖存哲人其菱其叢林無主山門若空錫放衆
虎鉢遺羣龍惟餘香火追想音容刊此貞石祀法將雄
六其

中和四年歲次甲辰季秋九月戊午朔旬有九日丙
子建

按顧氏之謙云金遠書七行以下金彥卿書金

穎文碑在朝鮮長興

陸增祥志

雙谿寺真鑒銘

高八尺六寸廣四尺二寸三十八行行七十字正書在高麗

有唐新羅國故知異山雙谿寺

教謚真鑒禪師

碑銘

并序

前西國都統巡官承務郎侍御中內供奉賜紫金魚

袋崔致遠奉

教撰并書額

夫道不遠人、無異國是以東人之子為釋為儒口也
西浮大洋重譯從學命寄刻木心懸寶洲虛往寶鼎先
難後獲亦猶采玉者不悞崑崙之峻探珠者不辭瓊壑
之深遂得慧炬則光融五乘嘉肴則味飫六籍競使千
門入善能令一國興仁而學者或謂身壽與闕里之設

教也。不流異體。圓鑿方枘。互相矛盾。守滯一隅。嘗試論之。說詩者不以文害辭。不以辭害志。禮所謂言豈一端而已。夫各有所當。故廬峯慧遠著論。謂如來之與周孔。發致雖殊。所歸一揆。體極不兼。應者物不能兼。受故也。沈約有云。孔綏其端。釋窮其致。真可謂識其大者。始可與言至道矣。至若佛語心法。因之又因。名不可名。說無可說。雖云得月。指或坐忘。終類係風。影難行捕。然陟遐白。迹取譬何傷。且尼父謂門弟子曰。予欲無言。天何言哉。則彼淨名之默對文殊。善逝之密傳迦葉。不勞鼓舌。能叶印心。言天不言。捨此奚適。而得遠傳妙道。廣耀吾鄉。豈異人乎。禪師是也。禪師法諱慧昭。俗姓崔氏。其先

漢族冠蓋山東隋師征遼多沒驪貊有降志而為遐眈者爰及

聖唐囊括四郡今為全州金馬人也父

曰昌元在家有出家之行母顧氏嘗晝假寐夢一梵僧謂之曰吾願為阿彌之子因以瑠璃臂為寄未幾娠裨師焉生而不啼迺挺銷聲息言之豚牙也既亂從戲必煢葉為香采花為供或西嚮危坐移晷未嘗動容是知善本固百千劫前所栽植非可跂而及者自非口弁志切反哺跬步不忘而家無斗儲又無尺壤可盜天時者口腹之養惟力是視乃裨販嫗隅為贍滑甘之業手非勞於結網心已契於忘筌能豐啜菽之資允叶采蘭之咏暨鍾鐺棘負土成墳迺曰鞠育之恩聊將力報希

微之旨盡以心求吾豈匏瓜壯齡滯跡遂於貞元廿年
詣歲貢使求為榜人寓足而泛多能事視險如夷揮
楫慈航超截苦海及達彼岸告國使曰人各有志請從
此辭遂行至滄州謁神鑒大師投體方半大師怡然曰
戲別匪遙喜再相遇遽令削染塤受印契若火活燖艾
水注卑遽然徒中相謂曰東方聖人於此復見禪師形
兒黥然衆不名而目為黑頭陀斯則探固處默真為漆
道人後身豈比夫邑中之黔能慰衆心而已哉永可與
赤鬚青眼以色相顯示矣元和五年受具於嵩山少林
寺瑠璃壇則醒善前夢宛若合符既瑩戒珠復歸橫海
聞一知十茜絳藍青雖止水澄心而斷雲浪跡粵有鄉

僧道義先訪道於華夏邂逅適願西南得明四遠泰尋
證佛知見義公前歸故國禪師即入終南登萬仞之峯
餌松實而止觀寐者三年後出紫閣當四達之道織
芒屨而廣施憫者又三年於是苦行既已修他方亦
已遊雖曰觀空豈能忘本乃於大和四年來歸大覺上
乘昭我仁域興德大王飛鳳筆迎勞曰道義禪師歸
已歸止上人繼至為二菩薩昔聞黑衣之傑今見縷褐
之英弥天慈威舉國欣賴竄人行當以東雞林之境成
吉祥之宅也始憩錫於尚州露岳長柏寺鑿門多病來
者如雪方丈雖寬物情自隘遂步至康州知異山有數
仞菴嚆吼前導避危從坦不殊俞騎從者無所怖畏參

太如也則與善無畏三藏結夏靈山猛獸前路果入山
穴見牟尼立像宛同事跡彼竺曇猷之扣睡帟頭令曉
經亦未再燬於僧史也因於花開谷故三法和尚蘭若
遺基纂修堂宇儼若化成洎開成三年

愍哀大

王驟登寶位深託因慈降璽書餽齋費而別求見願禪
師曰在勤修善政何用願為使復于王聞之愧
悟以禪師色空雙泯定惠俱圓降使賜号为慧昭昭字
避

聖祖廟諱易之也仍貫籍于大皇龍寺徵詣京邑星使
往復者交轡于路而岳立不移其志昔僧稠拒元魏之
三召云在山行道不爽大通樓幽養高異代同楚居數

年請益者稻麻成列殆無錐地遂歷銓竒境得南嶺之
麓爽塏居最經始禪廬却倚霞岑俯腔雪澗清眼界者
隔江遠岳爽耳根者迸石飛湍至如春谿花夏徑松秋
壑月冬嶠雪四時變態萬象交光百嶺和嶺千巖競秀
嘗遊西土者至止咸愕視為遠公東林移暵海表蓮花
世界非凡想可擬壺中別有天地則信也架竹引流環
階四注始用玉泉為榜屈指法圖則禪師乃曹溪之圖
孫是用建六祖影堂彩飾粉墉廣資導誘經所謂為悅
衆生故綺錯繪衆像者也大中四年正月九日詰旦告
門人曰萬法皆空吾將行矣一心為本汝等勉之無以
塔藏形無以銘紀跡言竟坐滅報年七十有七積夏四

十一于時天無纖雲風雲欬起虎狼號咽杉枯變衰俄而紫雲騎空、中有彈指聲會葬者無不入耳則梁史載褚侍中翔嘗請沙門為母疾祈福聞空中彈指聖感冥應豈誣也哉凡志於道者寄聲相弔未亡情者銜悲以泣天人痛悼斷可知矣靈函幽隧預使備具弟子法諒等號奉色身不踰日而窆於東峯之冢遵遺命也禪師性不散樸言不由機服煖組麋食甘糠藪芋菽雜糅蔬佐無二貴達時至曾不異饌門人以塏腹進難則曰有心至此雖糲何害尊卑耄穉接之如一每有王人乘駟傳命遙祈法力則曰凡居王土而戴佛日者孰不傾心護念為君貯福亦何必遠汚

綸言於枯木朽株傳乘之飢不得飢渴不得飲吁可念也或有以胡香為贈者則以瓦載煇灰不為丸而炳之曰吾不識是何臭虔心而已復有以漢茗為供者則以薪爨石釜不為屑而貢之曰吾不識是何味濡腹而已守真忤俗皆此類也雅善梵唄金玉其音側調飛聲爽快哀婉能使諸天歡喜永於遠地流傳學者滿堂誨之不倦至今東國習魚山之妙者竟知掩鼻效玉泉餘響豈非以聲聞度之之化乎禪師泥洹當

文聖大王之朝上惻

僊襟將寵淨謚及聞遺戒

愧而寢之越三紀門人以陵谷為慮扣不朽之緣於慕法弟子內供奉一吉千揚音方崇文臺鄭詢一斷金為

心勒石是請

獻康大王恢烈至化欽仰真宗追謚真鑒禪師大空靈
塔仍許篆刻以永終譽懿平日出暘谷無幽不燭海岸
植香久而弥芳或曰禪師垂不銘不塔之戒而降及西
河之徒不能確奉先志求之與抑與之與適足為白珪
之玷嘻非之者亦非也不近名而名彰蓋之力之餘報
與其灰滅電絕曷若為可為之時使聲振大千
之界而龜未戴石

龍遽昇天

今上繼興墳

麓相應義詣付囑善者從之以隣岳招提有玉泉之號
為名所累衆耳致惑將俾弁同即異則宜捨舊從新使
眎其寺之所枕倚則以門臨複澗為對乃錫題為雙溪

焉申命下臣曰師以行顯汝口又進宜為銘致遠拜手
曰唯、退而思之頃捕名中州嚼腴咀雋於章句間未
能盡醉衢鐫唯愧深詮泥螯況法離文字無地措言苟
致言之北轅適郢第以國主之外護門人之大願非文
字不能昭、乎羣曰遂敢身從兩役力效五能雖石或
憑焉可慚可懼而道強名也何是何非掘筆截鋒則臣
豈敢重宣前義謹札銘云

杜口禪郎歸心佛隨根熟菩薩引之靡宅猛探甬窟遠
泛鯨波去傳秘印來化斯羅尋幽選豚卜築巖磴水月
澄懷雪泉寄興山與性寐谷與梵應觸境無碍息機是
磴道贊五朝威摧衆妖然垂慈蔭顯拒嘉招海自飄蕩

山河動搖無思不服□□□□□□□□□□必脩風
雨如晦始終一致慧柯方秀法棟俄洞壑淒涼煙蘿
憔悴人亡道存終不可謾□士陳願大君流恩燈傳海
裔塔聳雲根天衣佛石永耀□門僧慶榮刻字

碑字妍秀其上折後半微缺一角在晉州牧知羅山

羅麗琳
現考

當在光啓

趙氏義卿海東金石存云崔致遠入唐求學登
乾符二年第光啟中歸國卒謚文昌侯從祀高

麗文廟

陸增祥志

聖住寺朗慧塔銘

高一丈一尺廣六尺二寸五十
八行行九十六字正書在高麗

有唐新羅國故兩朝國師教謚大朗慧和尚白月葆光
之塔碑銘并序

淮南入本國送國信詔書等使前東面都統巡官承
務郎侍御史內供奉賜紫金魚袋臣崔致遠奉教撰
帝唐崩亂以武功易元以文德之年暢月、缺之七日
日蘇咸地時海東兩朝國師禪和尚盥浴已跌坐示成
國中人如喪左右目矧門下諸弟子乎嗚呼應東身者
八十九春服面戒者六十五夏去世三日倚繩座儼然
面如生門人詢又等號奉遺躰假肄禪室中上聞之震
悼使駛弔以書賻以穀帛以資淨供而贍元福越二年

攻石封屠豕聲聞玉京菩薩戒弟子正州都督蘇判鑑
執事侍郎寬柔貝江都護咸雄全州別駕英雄皆王孫
也維城輔君德險道賴師恩何必出家然後入室遂與
門人昭元大德釋通賢四天王寺上座釋慎符議曰師
云亡君為慟奈何吾儕忍灰心木舌缺緣飾在式之義
乎迺白黑相應請贈謚暨銘塔教曰可旋命王孫夏官
正卿禹珪召桂苑行人侍御史崔致遠至蓬萊宮因得
並琪樹上瑤墀覬袂命珠箔外上曰故聖住大師真一
佛出世昔文考康王咸師事福國家為日久余始克續
承願繼餘先志而天不憖遺益用悼厥心余以有大行
者授大名故追謚曰大朗慧塔曰白月葆光乃嘗面寶

絲染錦帟。願文考選國子命學之康王。視國士禮待之。若宜銘國師以報之。謝曰。主臣殿下恕粟饒浮秕桂飽。餘馨俾報德以文。固多天幸。第大師於有為。澆世演無。為秘宗小臣。以有限麼才。紀無限景行。弱軼載重。短綆。汲深其或石有異言。龜無善碩。決叵使山輝川媚。反羸。得林慙澗愧。請筆路斯避。上曰。好讓也。蓋吾聞國風善。則善已然。苟不能。是惡用黃金。榜為尔勉之。遽出書。一編大如椀者。俾中涓授受。乃門弟子。吁獻狀也。役口之。西學也。彼此俱為之。而為師者何人。為役者何人。豈心。學者高口。學者勞耶。故古之君子。慎所學。抑心。學者立。德口。學者立言。則彼德也。或憑言而可稱。是言也。或倚。

德而不朽可稱則心能遠示乎來者不朽則口亦無慙
乎昔人為可為於可為之時復焉敢膠讓乎篆刻始繹
如栵狀則見大師西遊東返之歲年稟戒悟禪之因緣
公卿守宰之歸仰像殿影堂之開初故翰林郎金立之
所撰聖住寺碑叙之詳矣為佛為孫之德化為君為師
之聲價鎮俗降魔之威力鵬顯鶴歸之動息贈大傳猷
康大王親製深妙寺碑錄之備矣顧腐儒之今作也止
宜標我師就般涅槃之期與吾君崇宰堵婆之号而已
口將手議役將自適其適這有上足苾芻來趣鑿曰語
及斯意則曰立之碑立之久矣尚闕數十年遺美大傳
王神筆所紀口蓋顯示殊遇云尔吾子口嚼古賢書面

飲今君命耳。餓國師行目醉門生狀宜廣記而脩言之。殆貽厥可畏。俾原始要終脫西笑者。或袖之脫西人笑。則幸甚。吾敢求益子無憚煩。狂奴態率爾應曰。僕編苦者。師買采乎。遂絆猿心。強搖菟翰。憶得西漢書留侯傳。□云。良所與上從容言天下事甚衆。非天下所以存亡。故不著。則大師時順問事蹟。羣者星繁。非所以警後學。亦不書。自許窺一斑於班史。然於是乎。管述曰。光盛且實而有暉。八紘之質者莫均乎曉。日氣和且融。而有孚萬物之功者。莫溥乎春風。惟俊風與旭日俱東方自出也。則天鍾斯二餘慶。嶽降于一靈性。俾挺生君子國。特立梵王家者。我大師其人也。法號無染於圓覺。祖師

為十世孫俗姓金氏以武烈大王為八代祖大父周川

品真骨

國有五品曰口而曰真骨曰得難言貴姓之雅

賈口命至九典

位韓榮高曾出入皆將相戶知之父

範清族降真骨一等曰得難晚節追隨趙文業母華氏

魂交覩脣臂天垂受觀花因有娠幾踰時申夢胡道人

自稱法藏授十護充胎教過基而誕大師阿孩

方言僧與華

異時行坐必掌合趺對至與羣兒戲畫瓊聚沙必模樣

像塔而不忍一日違膝下九歲始鼓篋目所覽口必誦

人稱曰海東神童跨一星終有隘九流意入道先白母

念已前夢泣曰訪

方言後謁父悔已晚悟喜曰謹

遂零染雪山五色石寺口精嘗藥力銳補天有法性禪

師嘗扣駿伽門于中夏者大師師事數年檀索無子遺
性歎曰迅足駿、後發蒯至吾於子驗之吾懷矣無餘
勇可賈於子矣如子者宜西也大師曰夫夜毘易惑空
縷難分魚非緣木可求兔非守株可待故師所教已所
悟矣有所長苟珠火斯來則蛇燧可弃凡志於道者何
常師之有尋逐去問驟訶健挈於浮石山釋燈大德曰
敵三十夫藍茜沮卒色頤恟盃之譬日東面而望不見
西墻彼岸不遙何必懷土遽出山並海視西泛之緣會
國使歸瑞即象魏下任足而西及大洋中風濤欬顛怒
巨艚數人不可復振大師與心友道亮踰隻板恣業風
通星半月餘飄至劔山島紆行之碕上悵然甚久曰魚

腹中幸得脫身龍領下庶幾攬手我心匪石其退轉乎
泊長慶初朝正王子昕艤舟唐恩浦請寓載許焉既達
之果山麓顧先難後易土揖海若曰戰風珍重鯨波好
魔行至大興城南山至相寺遇說雜花者猶在浮石時
有一瞽顏耆年言提之曰遠欲取諸物孰與認而佛大
師舌底大悟自是置翰墨遊歷佛光寺問道如滿、佩
江西印為香山白尚書樂天空門友者而應對有慙色
曰吾閱人多矣罕有如是新羅子他日中國失禪將問
之東夷耶去謁麻谷寶澈和尚服勤無所擇人所難已
必易衆目曰禪門庾異行口澈公賢苦即嘗一日告之
曰昔吾師馬和尚訣我曰春萌繁秋實寡攀道樹者所

悲吒今授若印異日徒中有奇功可封者封之無使利
復云東流之說蓋出鉤誠則彼日出處善男子根殆熟
矣若、得東人可目語者畎道之俾惠水不冒於海隅
為德非淺師言在耳吾善若徠今印焉俾冠禪侯於東
上往欽哉則我當年作江西大兒後世為海東大父其
無慙先師矣乎屈無何口師化去墨巾離首乃曰筏既
捨矣舟何繫焉自尔浪遊飄、然勢不可遏志不可奪
於渡汾水登崢山跡之古必尋僧之真必詣凡所止舍
遠人烟火要在安其危甘其苦役四體為奴虜奉一心
為君主就是中顓以視薦瘞恤孤獨為己任至祁寒酷
暑且煩暘或輒瘵侵曾無勸容耳名者不覺遙禮蹕作

東方大菩薩其三十餘年行事也其如是會昌五年來
歸帝命也國人相慶曰連城壁復還天實為之地有幸
也自是請益者所至和麻矣入王城省母社大歡喜曰
願吾疇昔夢乃非優曇之一顯耶願度來世吾不復撓
倚門之念也已矣迺北行擬曰選終焉之所會王子所
懸車為山中宰相邂逅適願謂曰師與吾俱祖龍樹乙
粲則師內外為龍樹令孫真瞿君不可及者而滄海外
躡蕭湘故事則親舊緣故不淺有一寺在熊川州坤隅
是吾祖臨海公祖諱仁問唐麟伐獫狁功封為臨海郡公受封之所間劫婁
杯舊金田半灰匪慈哲孰能興滅繼絕可強為朽夫住
持乎大師荅曰有緣則住大中初始就居且盼飭之俄

而道大行寺大成繇是四遠問津輦視千里猶跬步其
轍不億實繁有徒大師猶鍾待扣而鏡忘罷至者靡不
以慧焰燭其目法喜娛其腹誘憧々之躅變蚩々之俗
文聖大王聆其運為莫非裨王化甚恕之飛手教優勞
且多大師荅山相之四言易寺勝為聖住仍編錄大興
輪寺大師醺使者曰寺以聖住為名招提固所為榮至
寵庸僧濫吹高籍寔避風斯媿而隱霧可慙矣時憲安
大王興檀越季舒發韓魏斯為南北相各居其官從左右注遙展
攝齊禮贊以茗醇使無虛月至使名震東國士流不識
大師門為一世著得禮足者復必惜曰面謁倍百乎耳
聞口未出而心已入抑有狻虎而冠者亦熄其趨謹其

旋而僥犇馳善道暨憲王嗣立賜書乞言大師禽曰周
豐對魯公之語有旨哉著在禮經請銘座側逮贈大師
先大王即位欽重如先朝志而日加厚焉最所施為必
馳問然後舉咸通十二年秋飛鵠頭書以傳名曰山林
何親城邑何疎大師謂生徒曰遽命伯宗深慙遠公然
道之將行也時乎不可失念付囑故吾其往矣歟尔至
轂下及見先大王冕服拜為師君夫人世子既大弟相
國追奉尊諡羣公子公孫環仰如一一如古伽藍續壁
面寫出四方諸國長侍勃陞樣式上曰弟子不佞小好
屬文嘗覽劉勰文心有語云滯有守無徒銳偏解欲詣
真源其般若之絕境則境之絕者或可聞乎大師對曰

境既絕矣理無矣斯印也默行尔上曰寡人固請少進
爰命徒中錚々者更手撞擊齋容盡聲剖滯祛煩若商
飈之劃陰靄然於是上大喜懷見大師晚曰恭已南面
司南南宗舜何人執余何人也既出卿相延迓與謀不
暇士庶趨承欲去不能自是國人皆認衣珠隣叟罷窺
廡玉焉俄苦樊笈中即亡去上知不可強迺降芝檢以
尚州深妙寺不遠京請禪那別館辭不獲往居之一日
必葺儼若化城軋符三年春先大王不豫命近侍曰亟
迎我大鑒王來使至大師曰山僧及王門一之謂甚
知我者謂聖住為無住不知我者謂死染為有染乎然
願與吾君有香火因緣切利之行有期矣盍就一訣復

步至王居設藥言施葳戒覺中愈舉國異之既踰月獻
康大王居翌室泣命王孫勛榮諭旨曰孤幼遭閔凶未
能知政致君奉佛誦濟海人與獨善其身不同言也季
大師無遠適所居唯所擇對曰古之師則六籍在今之
輔則三卿在老山僧何為者坐蝗蠹桂玉哉就有三言
庸可留獻曰能官人翌日挈山裝鳥逝自尔騎置傳訊
影振巖溪述人知往抵聖佳即皆雀躍叢手易轡慮滯
王程尺寸地由是騎常侍倫伍得急宣為輕舉軋符帝
錫命之歲令國內舌杪有可道者貢興利除害策別用
蠻牋書言荷天寵有所自因垂益國之問大師因出何
尚之獻替宋文帝心聲為對太傅王覽謂弟南宮相

曰三畏比三歸五常均五戒能踐王道是符佛心大師之言至矣哉吾與汝宜倦、中和西狩之年秋上謂侍人曰國有大寶珠畢世醮而藏之其可耶曰不可不若時一出俾醒萬戶眼醉四隣心曰我有末尼上珍匿曜在嵩巖山脫關祕藏宜照透三千界何十二乘之之道於我文考懇迎嘗再顯矣昔讚侯譏漢王拜大將召小兒不能致商於四老人以此今聞天子蒙塵趣令奔問官守勤王加厚歸佛居先將邀師必叶外議吾豈敢倚其一慢其二哉乃重其使卑其辭徵之大師云孤雲出岫寧有心哉有緣乎大王之風無固乃上士之道遂來見、如先朝禮、之加焯然可屈指者面供饌一也手

傳香二也三禮者三三也秉鵲尾爐締生々世々緣四也加法稱曰廣宗五也翌日命振鷲棲鳳樹鴈列賀六也教國中磋磨六義者貶送歸之什在家弟子王孫蘇判鑑榮首唱欽成軸侍讀翰林才子朴邕為引而贈行七也申命掌次張淨室要叙別八也臨告別求妙設乃眴後者舉真要有若詢父圓藏虛源元影四禪中得清淨者緒拙其慧表纖旨注意無怠返心有餘上甚悅擡拜曰昔文考為捨瑟之賢今賔人忝避席之子繼體得崆峒之請服膺開混沌之源則彼渭濱老翁真釣名者圯上孺子蓋履迹焉雖為王者師徒弄三寸舌也昌若吾師語密傳一片心乎奉以周旋不敢失墜太傅王雅

善華言金玉音不患衆咻聒而能出口成儷語如宿構
云大師既退且往應王孫蘇判鎰共言數返即歎曰昔
人主有、遠體而無遠神者而吾君脩人臣有、公才
而無公望者而吾全國其庶乎宜好德自恧及歸謝絕
於是遣輜軒標放生場界則鳥獸悅紐銀鈎札聖住寺
題則龍蛇活盛事畢矣昌期忽兮定康大王蒞阼兩朝
寵遇師而行之使緇素重使迎之辭以老且病太尉大
王流恩表海仰德高山嗣位九旬馳訊十返俄聞臂腰
之苦遽命國醫往為之至則請苦狀大師微破顏曰老
病耳無煩治糜殮二時必聞鍾後進其後憂食力虧陰
戒掌枹者陽密擊乃自牖而命撤將化往命有侍警遺

訓于介衆曰已過中壽難逃大期我儂遠逝尔曹好住
講若畫一守而勿失古之史尚如是今之禪宜勉旃告
誡裁罷慙然而化大師性恭謹語不傷和氣禮所云中
退然言訥、然者乎贊侶必目以禪師接賓客未嘗殊
敬乎尊卑故滿室慈悲烝徒悅隨五日為期俾來者質
疑論生徒則曰心雖是身主身要作心師豈不尔思道
豈遠而設是田舍兒能擺脫塵羈我馳則必馳矣道師
教父固有種乎又曰彼所啜不濟我渴彼所嗽不救我
餒盍怒力自飲且食或謂教禪為無同吾未見其宗語
本夥頤非吾所知大較同弗與異弗非晏坐息機斯近
纓褐被者歟其言顯而順其旨奧而信故能使尋相為

無相道者動而行之不見有岐中之岐始壯及衰自貶
為基食不異糧衣不均服凡所營葺役先眾人每言祖
師嘗踏泥吾豈暫安棲至捷水負薪或躬親且曰山為
我為塵安我得安身其剋已勵物皆是類大師少讀儒
家書餘味在脣吻故醅對多韵語門弟子名可名者塵
二千人索居而稱坐道場者曰僧亮曰普慎曰詢又曰
心光諸孫說、厥眾濟實可謂馬祖毓龍子東海掩面
河馬論曰麟史不云乎公侯之子孫必復其始則昔世
烈大王為乙粲時為屠獬貊乞師計將真德女君命陛
親昭陵皇帝面陳願奉正朔易服章天子嘉許庭賜華
裘受位特進一日名諸番王子宴大置酒堆寶貨俾恣

滿所欲王乃杯觴則禮以防亂繒綵則智以獲多泉辭
出文皇目送而歎曰國器及其行也以御製并書溫湯
晉祠二碑暨御撰晉書一部資之時蓬閣寫是書裁竟
二本上一錫儲君一為我賜復命華資官祖道青門外
則寵之優禮之厚設聾盲乎智者亦足駭耳目自茲吾
土一變至於魯八世之後大師西學而東化加一變至
於道則莫之與京捨我誰謂偉矣哉先祖平二敵國俾
人變外飭大師降六魔賊俾人修內德故得千乘主兩
朝拜起四方巨萬里奔趨動必順使之靜無腹非者庸
詎非應半千而顯大千者歟復其始之說亦何慊乎哉
彼文成侯為師漢祖大誇封萬戶位列侯為韓相子孫

之極則佛矣假學仙有終始果能白日上昇去於中止
得為鶴背上一幻軀尔又焉玃我大師拔俗於始濟衆
於中潔已於終矣乎美盛德之形容古尚乎頌偈頌類
也扣寂為銘其詞曰

可道為常道如穿草上露即佛為真佛如攬水中月道
常得佛真海東金上人本枝根聖骨瑞蓮資報身五百
年擇地十三歲離塵雜花引鵬路窾木浮鯨津其觀光
堯日下巨筏悉能捨先達皆歎云苦行無及者沙之復
汰之東流是天假心珠瑩麻谷目鏡燭桃野其既得鳳
求儀衆翼爭追隨試觀龍變化凡情那測知仁方示方
便聖住強住持松門遍掛錫巖徑難容錐其我非待三

願我非迎十步時行則且行為緣付囑故二王拜下風

一國滋甘露鶴出洞天秋雲歸海山暮其來貴乎葉龍

去高乎冥鴻渡水隄巢父入谷超朗公一從歸島外三

返遊壺中羣迷湯感否至極何異同其是道澹無味然

須強飲食他酌不吾醉他殮不吾飽誠衆黜心何糠名

復批利勸俗飾身何甲仁復胄義其汲引無弃遺其實

天人師昔在世間時舉國成瑠璃白寂滅歸後觸地生

疾藜泥洹一何早今古所共悲其蟄石復刊石藏形且

顯跡鵠塔點青山龜碑撐翠壁是豈向來心徒勞文字

覲欲使後知今猶如今示昔其君恩千載深師化萬代

欽誰持有柯斧誰倚無弦琴禪境雖沒守客塵寧許侵

雞峯待彌勒將在東雞林其口口口口口巨筏口口憲

口已于下缺

從弟朝請大夫前守執事侍郎賜紫金魚袋臣崔仁浣奉教書

碑無年月原書注云文德元年十月蓋據朗慧卒之年月也案碑文云昔文考康王云追謚曰大朗慧則立碑之年非即卒之年月可知碑尾有書人崔仁浣結銜一行原本缺今補案高麗僧行寂塔銘為崔仁浣所撰行寂歿於後梁貞明二年改葬於三年建塔立石當在其時此書碑之崔仁浣蓋即其人國師碑後記云仁浣者辰韓

茂族人也貞明三年丁丑唐亡已十年距文德
元年戊申後二十九年矣此碑結銜云朝請大
夫前守執事侍郎彼云翰林學士守兵部侍郎
知瑞書院事疑是後來遷轉之官然不可考也
諸城劉氏定為大順元年未得其詳朗慧姓金
仁浣自稱從弟殊不可解再行寂塔銘共二千
三百餘字萃編據言氏本載入附平百濟碑後
題云朗空大師塔銘實即行寂塔銘也前缺一
千六百餘字後缺一百六十餘字蓋言氏所得
非足本也并附識於此

陸增
詳志

無為岬寺遍光塔碑

晉高麗先覺大師遍光禿塔碑

太相檢校尚書左僕射兼御史大夫上柱國知元鳳
省崔彥搗奉教撰 正朝□□評□郎柱國賜丹金
魚袋柳勲律奉教書

蓋佛陀出世鷲嶺開利物之門迦葉□□雞足闔歸全
之缺四軋去聖身毒懷仁傷鶴樹之昇遐埃龍華之□

□□悵□□□隱其風漸衰豈謂祖、傳心當具體而
微之侶師、接踵有高山仰止之流至於圓覺深仁遠
居南海大宏願德曾□□山□□之心諧於郢匠一蓮
啟處六葉重光門徙□上之□□□在雲居之□人能
知道保□祖宗惟我大師則其人也大師法諱迥微俗

姓崔氏其先博陵冠蓋雄府棟梁奉使雞林流恩□郡
所以棲心雲水寓跡海壖今為武州□□人□□權
早閑莊老□愛琴書私□□招隱之蕭蕭寺□空門之
友母金氏魂交之夕忽得休徵見胡僧入房擎玉案為
寄款焉驚覺尋報藁砧荅云必生懷寶之兒先告美璋
之慶□後□□室□每有燈輝之□□子之□□證定
光之瑞以咸通五年四月十日誕生大師生有殊相幼
無雜交泊乎志學之年潛蘊辭家之念此時忽垂雙淚
虔告二親曰切欲去塵投其□□父母□□志惟許
字五為山莫恒□□遂乃斜登歧路直詣寶林謁體鑑
禪師禪師法胤相承陳田子孫也和尚雖云一見便□

口之口曰昔別稍遙今來何暮許口口室口口茲敬

口禪宗

缺八字

傾油鉢口口

於救蟻沙彌勤苦增勞不離

左右至於中和二年受具戒於華嚴寺官壇大師

安坐白虹之氣來覆法堂口是

缺六字

道知在口人戒珠

敢虧草係之心尤保尸羅之律及其夏口往度口山禮

見融堅長口口今口口僧陳

缺五字

何口上追思北海之

中所以口口論傳中霄口口長

缺九字

黃口口法盍雲口

披雲藥山采藥老僧恨不隨他西笑問徑上游祖塔於

曹溪

缺二字

針莎莫以因循時不待人曷維其已門屬遠從

冈象

口口珠

缺二字

鏡于青匠之畔泊于大順二年春首

忽遇入

缺三字

朝使車託足而西達于彼岸維舟鏡水指

路鍾□企□□道膺大師先佛缺十之兆寶汾付囑

之心行道遲、遠經缺二字大師若披皇覺大師謂曰吾

子歸矣早知汝來□□曰升堂□其□□所喜者□□

室家之美□□禪教之宗由是觀與幽局探因理窟參

尋缺二十一字豈惟迦維演阿難之獨步釋門闕里設經顏

子之□□□室而已矣哉景福三年潭州節師馬公□

節度副使金公復聞風欽仰拂霧敬缺六字請□□居其

為時所瞻依皆如此類也迺於天祐二年缺十此時知

州□□王公池本籍承大師纔諧捨筏已抵平津□地

口之攀缺三字慈□每以趨塵如窺慧日常干四事遠假

天厨寶展缺五仍以缺四無為岬寺請以住持大師惟

命是聽徙居靈境此寺也林泉

缺十
九字

地然則重修基地

八換星霜來者如雲納之似海

缺五
字

此時

缺五
字

於□□

□年亂甚於曹劉之代上無聖主猶鋪網聚之徒下□

□事莫□□□之難

缺七
字

如□四海沸騰三韓騷擾至

九年八月前王永平北

缺十
字

舳艫親驅軍駕此時羅歸

命屯軍于浦嶼之旁武府逆鱗動衆於郊畿之

缺十
字大

王聞大師近從吳越新到秦韓厓牟尼於海隅蔽□□

於

缺五
字

飛丹詔遽屈道竿大師捧到奔波趨風猛浪親

窺虎翼暗縮龍頭僧□□鑄吳□轉明之

缺四
字

無以加

也其後班師之際持請同歸信宿之間臻于彼岸遂

缺十
字

供給之資出于內庫所恨羣□雖伏衆病莫除唯奉

法以栖真通

字缺六

今口禍者

字缺四

枉殺無辜而乃遭艱

者填其雲屯同歸有罪然則口口道口敢悛口口之口

口口仁慈寧止赫連之暴况又永言移國唯喝喫人口

謂多

字缺四

信以十

字缺六

日大王驟飛鳳筆令赴龍庭冀

聞絕跡之譚猶口口言之理大師服

字缺四

主上鶚立當

軒難測端倪失於舉措豈思就日玄高之復口口君無

字缺七

道偽

口是口謂業對將至因緣靡逃兼被崔皓懷

奸寇

字缺八

大師曰吾師人間慈父世上導師何有存非

不無彼此大師方知禍急因遲危

字缺七

嬰呂僕之謀仁

者懷恩寧厠商口之惡然而壹言不納遷口以加捨口

之時世口口緣俗年五十有四僧臘三十有五千時川

池忽竭日月無光道俗吞聲人天變色

字缺七

之□□漢室龍興當今居尊之際謂群臣曰竊惟故大

師道□□十地德□□□遠出□方來儀樂土寡人早

披瞻仰恭□歸依顧思有得之緣常切亡師之痛仍於

雨泣實□□□追□□□俾修□□至明年三月日遂

名門弟子閑俊化白等曰□□之

字缺五

之□昭□此山

也山岡勝美地脈平安宜為置冢之据必□尊宗之祐

可師等與□□且□修山寺尋造石塔者至其日月先

起仁祠便成高塔塔成師等號奉身遷葬於所建之冢

詔曰式旌禪德宜賜嘉名賜謚為先覺大師塔名為遍

光靈塔乃賜其寺額勅號太安追遠之榮

字缺四

之□□

□下臣謬因宦學叨樞機辭潤色於仙才謝知言於
哲匠先是王室獻賦金牘題名何期降紫泥於葦門銘
黃絹于蓮宇所冀強搖柔翰申大君崇法之由聊著鮮
文慰門下送終之懇銘曰

粵哉靈境□□□禪□□為□道情是兵即色非色惟
名假名雖云方便祇為衆生爰有僧英□□禪伯能使
魔軍克歸□□雨中稻麻霜後松柏須拜昌言難欺雅
□動惟佛事翻被人口真衰俗成法弱缺六字命終道光
無□遺跡師舊芳□德于茲傳□□不朽神足傷心缺四

字

缺八

劫頻移天長地久

開運三年歲次丙午五月庚寅朔二十九日戊午立

缺金汝元崔煥見

案碑在高麗之康津

陸增祥志

石南山寺國師碑後記

正書在

高麗

唐新羅石南山國師碑後記

門下法孫釋純白述

恭惟我國大師始自出胎終於沒齒生緣眷屬觸事因緣即門生金長老允正所修錄具之門人崔大相仁浣所撰碑述之今日之所記者以大師於唐新羅國景明王之天祐年中化緣畢已明王謚號銘塔仍勅崔仁浣侍郎使撰碑文然以世雜人滑難為盛事是以年新月

古未立碑文至後高麗國几平四郡鼎正三韓以顯德
元年七月十五日樹此豐碑於太子山者良有良緣者
乎爰有國師之門神足國主寺之僧頭乾聖院和尚者
法諱讓景俗姓金氏字曰舉國為師而或體或心為王
而乍耳乍目將恐芳塵風掃美跡雲消黃絹將爛翠琰
弗植師恩雀報自立龜碑和尚王父藹元聖王之表來
孫憲康王之外口舅清口謠聒于街路忠孝譽酣于尊
卑內至執事侍郎外任溟江都護父口禮才兼六藝學
貫五經月下風前屬緣情體物之句春花夜月呈撫綏
韻竹之聲內至執事含香外赴朔州長史和尚始自華
色終于覺身動止言設行蹤風格可備別錄此略言焉

且國師碑之與錄可記而未記者曰龍潭式照乾聖讓
景驚口惠希宥襟允正清龍善觀露長匡甫石南迫閑
嵩山可言太子本定右九師者國師存日羽翼在外未
覩青雲之際國師歿後角足成體始遊碧海之中師之
在時法席口牛毛之數師之入滅禪座財鐘乳之多人
謂之評曰九乳若鐘養九方之佛子一面如鏡正一國
之君臣古所謂翼衆誥、茲焉在焉其允正長老者乾
聖同胎之弟也戒高持者名書有人存終言行門人別
錄其母氏夢任孟之日月入於寢室娠季之月月入於
密窟果誕乾聖與宥襟也豈翅曇諦阿母夢二物之徵
慧住阿孃獲二果之瑞而已哉其仁浼者辰韓茂族人

也人所謂一代三崔金剛題廻曰崔致遠曰崔仁浹曰崔承祐曰中華人也學圍海岳加二車于五車才包風雲除三步於七步實君子國之君子大人鄉之大人是或折桂中花扇香風於上國得多羅域灑口色於東鄉承大師重席之恩撰大師鴻碑之記白也執尺占天邨終近遠傾蜚酌海豈度少多然則言而不當默猶不可後來君子取之捨之而已

顯德元年歲在甲寅七月十五日立

碑在高麗之榮川

陸增祥志

大安寺廣慈禪師碑

正書在
高麗

唐高麗大安寺廣慈禪師碑銘

太相□守禮賓令元鳳令兼知制誥上柱國賜紫金魚袋孫紹奉□撰

若夫擎虛發響苟應就悟之能取實藏聲豈是處迷之術門緦濶而不可得進□雖明而難以獲逾至理在中守株者無定見□真宗□外窺管者莫以字缺四生之法器是以運開一千甲子始遇聖明歷周五萬星霜再逢賢哲或□□□而□出或蘊□以挺生自古既稀至今為貴□全□□即字缺七大師法諱因多字法性京師人也其祖考等皆族盛簪綴以傳孝義家記而□□龍字缺耳口聞之其妣朴氏受性溫和為人真潔自幼□□

於俗□長□ 勤修佛事追其岳降分晚等閑由孝感
而易為若霜□之□疾是以咸通五年四月五日誕生
大師初放蓬萊之日雙柱絕倫將緋襴襖之年三亭轉
□□遊而□定有方禮度而顛沛無墜扇枕之令譽早
表鄉閭追灰之捷詞夙馳遐迩春秋材常八歲有志三
歸遽告二親願別蝸門要授禪教□父母□為□□前
猶足縈紆未能允許大師潛然曰出家修道利□□無
直饒□子之錦衣定□山僧之毳衲哀鳴□□至告再
三琮認盛情固難法□□時一說而□緋步而雲遊四
海□駐惟伴孤影炎涼倏歷數年□□迴跋涉于遼
東迤邐□後桐裏參覲和尚□頤相面目顧盼形容數

日後侍奉上

字缺四

古語心專石也穿志切泉俄涌道非

身外即佛在心宿昔智覺于刹那□□之滯在萬劫如

來况諭為精□則再語為□□略言汝身好看心□

吾

字缺四

於畫宵綱□心於瞬息不戶不牖是大道不崑

不

□神

字缺二

法祖□西堂傳於徹徹傳於先師如如

傳於吾師即西堂曾孫也大師傳法□於西堂却不勞

西

字缺四

於

字缺五

實際本空學無學□宗□□祇夜師

無師之□必藉□多遂□弄一心者大信一音□九□

者□海水業□多方便為門

缺字

野不忘其故却歸故山

纔經□宵忽有山賊入寺擬劫衣物直到上方大師選

而無鑒不動禪座被

缺字

大師自□罪

字缺七

數見此模□

□既思惟知作夢有一戰場入於殿內見勿它邪七□

□座缺是量忍兩字而已睡覺缺盟缺白日孤疑

□不料清宵蝶夢成古表有言一忍得長缺哉大師因

此永獲安禪人居僧寺缺黃波□如而洞達禪源缺

字然缺門慕義投仁雲趨霧聚參禪學道虛屈缺梗狼

煙往□□□于沙門裨□□終無於王缺來□對缺神

聖大王乘時□望主問代明□□安邦撫□之缺恐□

行脚何妨師缺九重大師□□僧由成缺即佛心是

如何大師答曰若到□設者不留於佛心缺五維得必

得缺相今缺答云六祖意不欲□觸道然師語□了道

□慧赤□去也若是戒夫繁托□略缺今祖缺大王威

齊兩曜講□而□道叶乾坤德秀瞳治民而□無□□

而又歸依□□□具於缺抑無禪有用於□□義云缺

古缺大師在日黃州院□王旭郎君遙仰□風樂傳尺

牘比為弟子□□猶缺之風每展八行之禮仍為檀越

久受保於各效陳雷允□舊分大師至開運缺分無缺

今焚香略今□淹然而逝俗歲八十二僧臘六十六於

是溜流號慟嘆津梁之已壞□□咨嗟□法□□□永

□至於缺潺湲澗水變作衰□□年悅目之缺靈鷲山雲

皆成慘色感動蠢植毫楮焉周遂以其時缺止論缺伏

乞從許樹豐碑者爰命微臣延揚禪化□才非七步學

昧五車缺哉開士子達真筌法門杳々至理元々化符

海外道冠口邊雲歸深洞月落澄淵波瀾口口平等缺
字雞山缺

光德二年歲次庚戌十月十五日鑄字

按廣慈禪師因多生於唐懿宗咸通五年甲申年
八十二當晉出帝重貴開運二年乙巳越五年鑄
碑歲次庚戌為漢隱帝乾祐三年此稱光德二年
不知何代年號五代時東夷君長高麗最為雄盛
乾祐末其國王王武死子王昭立紀年光德豈即
王昭僭號歟

顧氏之謙云當在顯德間附周末

陸增祥志

金石續編卷第二十一終